



Inatsisartunut ilaasortaq Kristian Jeremiassen, Siumut  
Maani

## **Diskobugtimi qalunik marlunnik atuisarnek pillugu Inatsisartut suleriaasianni § 37 naapertorlugu apeqqut nr. 2011-36-mut akissut**

Inatsisartut suleriaasianni § 37 naapertorlugu Diskobugtimi qalunik marlunnik atuisarnek pillugu apeqquteqaammik saqqummiussisimavutit. Apeqquteqaat uannut akisassanngorlugu innersuutigineqarsimavoq.

### **Naalakkersuisunut apeqquteqaat:**

”Diskobugt-ip iluani angallatit marlunnik qalulerlutik kalittartut atorunnaartinniarneqarpat?”

### **Akissut:**

Ilisimatitsissutigisinnaavara, maannakkorpiaq Naalakkersuisut Diskobugtimi qalunik marlunnik atuisarnermut inerteqquteqarnissamut pilersaaruteqanngitsut. Ilisimalluarpara, marlunnik qalulerluni raajarniarneq annikitsuararsuarmik atorneqartartoq.

Ilumoorpoq, raajarniarnermi qalunik marlunnik atuisarnermut atatillugu aalisarnermik pisaqarluarsaasoqarsimasoq, taamaasilluni angallatit ataasiakkaat, qalunik taama ittunik atuisut, piffissaq sivikinnerusoq atorlugu amerlanerusunik pisaqarlutik aalisarsinnaalersimasut. Soorlu naluneqanngitsoq naalakkersuisut aalisarnerup iluani piujuaannartitsisinnaaneq annertuumik sammigaat, aammalu anguniagaq tamanna assigiingitsutigut isumagineqarsinnaasoq. Diskobugtimilu piujuaannartitsisumik aalisarnerup isumannaarnissaanut allanik atortoqarluni aalisarnermik ingerlatsinermit annikillisaasoqarsinnaasoq.

Pinngortitaleriffiup paasitippaanga, Diskobugtimi raajat amerlassusaat ukiuni kingullerni allanngorneq ajorsimasoq, aammalu qalunik marlunnik atuisarnerup raajat amerlassusaat eqqarsaatigalugu ajortumik kinguneqarsimanngitsoq. Taamaasilluni angallatit ilaat qalunik marlunnik atuigaluartut amerlanerusunik pisaqartoqarneq ajorpoq. Aammattaaq Pinngortitaleriffiup raajat amerlassusaat malinnaaffigeqqissaarpai, Diskobugtimiinnaanngitsoq, aammali Kalaallit Nunaata imartaani tamani.

Aappaatigulli tulluarsoraara pingaaruteqartoq eqqaassallugu, tassa qalunik marlunnik atuisarnerup aalisartut aalisarnermik ingerlatsinerminnuttaaq aningaasartuutaannik annikillileeqaataasut ilaatigut soorlu orsussamut aningaasartuutit peqatigisaanillu CO2-mik aniatitsinermit milliliinermit peqataallutik. Matumani eqqartorneqartoq tassa aalisarnermi piujuaannartitsisumik isumannaarinninnissaq pillugu oqimaaqatigiinneq nassaarineqartariaqartoq. Isumaqaatiginngilara, marlunnik qalunik atuisarnerup aalisapilunneq kingunerissagaa, soorlu illit taama eqqaagit.

Inussiarnersumik inuulluaqqusillunga

16. feb 2011  
Suliapnr. 2011-045626  
All. Upp. Nr. 565612

Postboks 269  
3900 Nuuk  
Oqa. (+299) 34 50 00  
Allak (+299) 32 47 04  
E-mail: apnn@nanoq.gl  
www.nanoq.gl

Ane Hansen